



Broj: Broj: 01-50-1-15-22/08.
Sarajevo, 21. februara 2008.godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET. O b a v j e š t e n j e

Predstavnički dom Parlamentarne skupštine Bosne i Hercegovine održao je 20. februara 2008. godine 22. sjednicu. Na sjednici su razmatrani sljedeći zakoni koji su u nadležnosti i Doma naroda:

1. Prijedlog zakona o Budžetu institucija Bosne i Hercegovine i međunarodnih obaveza BiH za 2008. godinu (drugo čitanje);
2. Prijedlog zakona o nezavisnim i nadzornim tijelima policijske strukture Bosne i Hercegovine (prvo čitanje);
3. Prijedlog zakona o Direkciji za koordinaciju policijskih tijela i o agencijama za podršku policijskoj strukturi u Bosni i Hercegovini (prvo čitanje).

Ad . 1.

Predstavnički dom je usvojio Budžet institucija BiH i međunarodnih obaveza BiH za 2008. godinu, sa amandmanima koje je usvojila nadležna komisija, kako slijedi:

Amandman I.

U članu 2., Tabela 1. «Bilans prihoda po izvorima i namjenama», mijenju se sljedeće tačke:

„U tački I. „Prihodi s JR UIO za financiranje institucija BiH“ smanjuje se dati iznos za 35.000.000 KM, tako da se postojeći iznos od «710.000.000» mijenja i sada glasi «675.000.000».

U tački V. «Prihodi iz dobiti Centralne banke», smanjuje se dati iznos za 10.000.000. KM, tako da se postojeći iznos od «60.000.000» mijenja i sada glasi «50.000.000».

U skladu s navedenim smanjenjem, u Tabeli 2. člana 2. «Zbirni bilans rashoda po ekonomskim kategorijama», mijenja se na način da se:

U tački I. „Tekući izdaci“ smanjuje dati iznos za 5.096.908 KM, tako da se postojeći iznos od «807.281.436 KM» mijenja i sada glasi «802.184.528 KM» .

U tački I. „Bruto plaće i naknade“ smanjuje dati iznos za 26.862.655 KM, tako da se postojeći iznos od «456.390.711» mijenja i sada glasi «429.528.056 KM».

U tački IV. «Tekući grantovi» postojeći iznos smanjuje se za 14.100.000 KM, tako da se postojeći iznos od «59.209.300» mijenja i sada glasi «45.109.300»

U tački VI. «Rezerviranja» (i to stavka «Tekuća rezerva») smanjuje se iznos za 940.437 KM, tako da se postojeći iznos od «17.629.655» mijenja i sada glasi «16.689.218».

U skladu sa navedenim smanjenjem iz člana 2., u članu 3. tabela „Raspored prihoda po budžetskim korisnicima“ i u tabelama za pojedinačne korisnike, smanjuju se rashodi za:

- sve materijalne troškove (putni troškovi, izdaci telefonskih i poštanskih usluga, izdaci za energiju i komunalne usluge, nabava materijala, izdaci za usluge prijevoza i goriva, troškovi zakupa, izdaci za tekuće održavanje, izdaci za osiguranje i troškove platnog prometa i putni troškovi) u ukupnom iznosu od 5.096.908 KM, tj. za 2,7% kod svih korisnika osim kod Ureda za reviziju, Agencije za poštanski promet i Državne regulatorne komisije za električnu energiju,
- za bruto plaće i naknade u ukupnom iznosu od 26.862.655 KM, tj. za 6,3% kod svih korisnika osim kod Agencije za poštanski promet i Državne regulatorne komisije za električnu energiju.

Amandman II.

U članu 3., u pojedinačnoj tabeli broj „13. Ministarstvo vanjske trgovine i ekonomskih odnosa- Tekući grantovi“, briše se tekući grant pod nazivom „Program za pristup tržištu EU“ u iznosu od 5.000.000 KM.

Amandman III.

U članu 3., u pojedinačnoj tabeli broj 1. Parlamentarna skupština BiH“, u stavci „Kapitalni izdaci-Rekonstrukcija i investiciono održavanje“ uvećava se za 2.000.000, tako da se postojeći iznos od 1.030.000 mijenja i sada iznosi 3.030.000 KM.

Amandman IV.

U članu 3., u pojedinačnoj tabeli broj „29. Ministarstvo civilnih poslova-Tekući grantovi“ briše se tekući grant pod nazivom „Kotizacija za pristup fondovima EU-FP7“ u iznosu od «10.000.000 KM». Umjesto njega, dodaje se tekući grant pod nazivom «Programi za pripremu projekata potencijalnih kandidata za sredstva iz fonda EU-FP7» u iznosu od 500.000 KM.

U istoj tabeli člana 3.:

- naziv stavke „Financiranje institucija od značaja za BiH“ i iznos postojećih sredstava mijenjaju se, tako da naziv glasi „Pomoć programu sufinansiranja institucija kulture u BiH“ a iznos se povećava za 100.000 KM, odnosno sa 2.900.000 KM na 3.000.000 KM,
- sredstava za „Sufinansiranje sportskih manifestacija“ povećavaju se u iznosu od 300.000 KM, odnosno sa 1.000.000 KM na 1.300.000 KM.

Amandman V.

Stav (1) člana 23. mijenja se i glasi:

„(1) Sredstva za rješavanje problema finansiranja povratka izbjeglica i raseljenih lica osiguravaju se preko Ministarstva za ljudska prava i izbjeglice, a trošit će se putem ovog ministarstva i Fonda za povratak na osnovu odobrenih programa-projekata.“

U skladu sa usvojenim amandmanima mijenjaju se iznosi u svim zbirnim i pojedinačnim tabelama u Prijedlogu budžeta institucija BiH i međunarodnih obaveza za 2008.

Na prijedlog nadležne komisije za finansje i budžet, kao i na prijedlog iz rasprave (4.zaključak), Dom je, uz Budžet, usvojio i sljedeće

ZAKLJUČKE

1. Obavezuje se Ministarstvo finansija i trezora BiH da nakon usvajanja Zakona o Budžetu institucija BiH i međunarodnih obaveza BiH uradi instrukcije i distribuirati ih svim budžetskim korisnicima radi posebnog praćenja sredstava koja su ranije bila iskazana putem programa posebnih namjena, na osnovu čega će se i stavka koja se odnosi na finansiranje rada klubova poslanika-delegata u Parlamentarnoj skupštini BiH u okviru budžeta ove institucije izdvojiti i pratiti kao posebna stavka u iznosu od 495.000 KM.

2. Pri izradi Budžeta institucija BiH za 2009. moraju se upoređivati isti parametri (planirani i ostvareni budžeti države i entiteta).

3. Zbog akumuliranih neutrošenih sredstava iz prethodnih godina, povlačenja sa Jedinog računata UIO za 2008. ne mogu biti osnovica za izradu Budžeta institucija BiH za narednu godinu.

4. Zadužuje se Vijeće ministara BiH da uradi program/plan aktivnosti na rješavanju smještaja institucija BiH kako bi se umanjili troškovi zakupa tih institucija.

Ad. 2. i 3.

Predstavnički dom je u prvom čitanju usvojio:

- Prijedlog zakona o nezavisnim i nadzornim tijelima policijske strukture Bosne i Hercegovine i
- Prijedlog zakona o Direkciji za koordinaciju policijskih tijela i o agencijama za podršku policijskoj strukturi u Bosni i Hercegovini.

Radi informiranja, obavještavam vas da je Predstavnički dom na ovoj sjednici potvrdio Odluku predsjedavajućeg Vijeća ministara Bosne i Hercegovine o imenovanju zamjenika predsjedavajućeg Vijeća ministara, ministara i zamjenika ministara u Vijeću ministara Bosne i Hercegovine (u prilogu Odluka predsjedavajućeg Vijeća ministara).

**PREDSJEDAVAJUĆI
PREDSTAVNIČKOG DOMA
dr. Milorad Živković**